



06. november 2018

UKA2018/149

Kingusinnerpaamik UKA2019-imi inuussutissarsiornermik siuarsaanermik aaqqissuussinerit maanna ingerlasut nalilersorneqarnerannik Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Nalilersuinermi aaqqissuussinerit maanna ingerlasut suliffeqarfinnik suliaqarfinnillu nutaanik qanoq annertutigisumik siuarsaanerat qulaajaa-vigineqassaaq. Nalilersuinermilu namminersorlutik inuussutissarsiortunut manna sinaakkutis-satut atugassarititat ilanngunneqassapput, maannalu aaqqissuussinernut kiisalu manna tikillugu misilittagaareersut tunuliaqutaralugit sinaakkutissanut aaqqiissutaasinnaasunillu pitsanngorsaatinillu siunnersuusiortoqarluni. Nalilersuinermik suliaqarnermi namminersorlutik inuussutissarsiortut qanimut suleqatigineqarnissaannik Naalakkersuisut kaammattorneqarput.

(Aleqa Hammond, Nunatta Qitornai)

Mute Bourup Egede nalilersueqqusivoq inuussutissarsiornermik siuarsaanermik aaqqissuussinerit maanna ingerlasut pillugit.

Oqaqqaarsinnaavugut, aasimmiaasiit nalunaarusiaq aamma alla. Nalunaarutaannarnik anguniaga-qartuarneq aqutissaasorinangeqaaq.

Siunnersuuteqartup oqaatigaa unikaallalaarluni pissusiviusut qanoq ingerlanersut nalilersoqquai. Taamatut oqarneq isumaqatiginngilarput. Isumaqarpugut uagut unikaallatsitsinissamik kissaa-teqarata aqutissiuussiniartariaqarpugut suli inuussutissarsiorneq siuarsarumallugu inuussutis-sarsiornermi assakaasorsuit ingerlalertornissaanut nukiit tamaasa atortariaqarivut.

Aalisarnikkut periarfissat annertusarlik. Aalisarnermik inuussutissarsiuteqartut oqariartuutai erseqqissut pigaavut. Aalisarfiit nutaat, pisassat naammattut, akit unammillersinnaasut, tunitsiviit ataavartut, sulisussat naammattut aammalu politikki erseqqissoq tassaavoq amingaatigisaat.

Takornariaqarnermi inuussutissarsiortut oqariartuutigisartagaat erseqqippoq. Mittarfeqarnertigut tikikkuminarsarneq, ornitamut apuukkasuartarneq, unnuiffissat naammattut, angallassisartussat inerisaavigineqarneri, misigisassanik neqeroorutit amerlasuut, umiarsualiveqanikkut atukkat pitsaa-sut, angallanneq eqaatsoq aammalu inuussutissarsiummut politikki erseqqissoq amingaatigaa.

Aatsitassasiorumallutik qinnuteqartut sullilluarneqarnissaat, sulisussat piareersarneqarneri, sinaak-kutissat erseqqissut, nakkutilliusussat erseqqissumik tunngavissaqarneri, assartuivissat pilersin-neqarnissaat, akitsuutitigut erseqqissumik atugassaqarneq assigisaalu tunngaviatigut sukkasuumik sullinneqarnissaq amingaatigaa.

Nunatta Qitornai

Inatsisartuni



Kulturikkut inuussutissarsiorsinnaanermut sinaakkutit erseqqissut, tunuliaqutserneqarnissaq, isertitassat aalaakkaasut, sannaviit pitsaasut, tunisassat aalaakkaasut atuisullu amerlinissaannik kissaatqarput minnerunngitsumillu aningaasaliissutit annertuumik siumut isigisut amingaatigaat.

Inuussutissarsiornermik ingerlataqartut pisortat tamakkiisumik ilaannakortumilluunniit ingerlatsivii ukiumoortumik nalunaarusiortarput tamannalu tunngavigalugu inuussutissarsiornermik ingerlatsiornermini erseqqissumik angusaminnik, unamminartumik atukkaminnik siunissamullu pilersaarutiminnik erseqqissumik saqqummiisarput.

Inuussutissarsiortut allat periarfissaqartuarput kattuffitsik peqatigiiffitsilluunniit aqputigalugu aporfigisinnaasaminnik assigisaannillu apuussisarnermikkut tusaaneqarnermikkullu.

Takujuminaatsippara siunnersuuteqartut unikaallalaarluni nalunaarusiortitsiniarnermi sunarpiaq anguniarneraa aammalu sumoqqissaaq nalunaarusiaq atorniarneraa.

Nukissaq siusarsaanermut atorumaneruarput, aningaasat nalunaarusiornermut atorneqartussa q siuarsaanissamut atorumaneruarput aammalu kommuninut inuussutissarsiornerit pillugit ineri-saanissamut suliaqartitsinissamut atorumaneruvut.

Siunnersuuteqartup siunertaa assortunngilarput. Pisariaqarpoq inuussutissarsiuteqarneq soqutiluinnarnissaa aammalu siuarsartuarnissaa, kisiannili nalunaarusioqqinnissakkut tamanna anguneqarsinnaasorinngilarput taamaammat siunnersuut tapersorsinnaanngilarput